

د / طه حشيش

وش الخير

الطبعة الأولى

٢٠٠٨



تسويق ونشر

مجموعة أجيل لخدمات التسويق والنشر والإنتاج الثقافي

الكتاب: وش الخير
المؤلف: د/ طه حشيش
الطبعة الأولى: القاهرة ٢٠٠٨
رقم الإيداع: ٢٠٠٧/٢١٧٦٩
التسجيل الدولي: I.S.B.N. 977-6215-14-9

حشيش، طه.
وش الخير/ طه حشيش. ط١. - الجيزة: مجموعة
أجيال لخدمات التسويق والنشر والإنتاج الثقافي،
٢٠٠٧.
١١٢ ص؛ ٢٠ سم.
تدمك: ٩-١٤-٦٢١٥-٩٧٧
١- الشعر العربي - تاريخ - العصر الحديث.
أ- العنوان ٨١١,٩

وش الخير

المدير العام خالد عبد الصمد خفاجي
مدير النشر عادل متولي

الجمع والصف الإلكتروني

القسم الفني

إشراف وتنفيذ إيمان خفاجي
تصميم الغلاف: الفنان عطية الزهيري
طباعة مطبعة صحرة



تسويق ونشر

مجموعة أجيال لخدمات التسويق والنشر والإنتاج الثقافي

الإدارة والمكتبة: ٤٤٩ ش السودان - المهندسين

الدور الأول - شقة ٤

أمام مجمع محاكم شمال الجيزة.

التسويق: ٠١٢٣٧٠٥٠٢٤ - ٠١٠١٨٨٩٣٦٣

Email: aagyal@yahoo.com

aagyal@hotmail.com

الإهداء

إلى أبنائي مروان ومعتز ومها
وأوصيهم أن يحبوا جميع البشر
طه حشيش

دكتور فى كلية الشعر^(*)

ذات يوم جاعنى شاب يحمل رزمة من الورق مكتوبة بخط اليد ،
ديوان شعر لشاعر شعبي لا يجد ثمن الورق ، ولا أجرة الطبع ، ولا
مصاريف الدعاية والإعلانات!

الشعر ينبض بالحياة ، يبكى بغير دموع ، يضحك بغير صوت
الكلمات بسيطة. ولكنها بليغة فى سذاجتها. فيها صور بغير آلة
تصوير. وفيها معان كالسهم!

إنه شاعر لا يغنى فى المناسبات ، ولا يلقي القصائد فى
الحفلات ، ولا يسمع به الناس ، طالب فى السنة الأولى بكلية الطب
جامعة عين شمس. عمره عشرون سنة. ولكنه يضع آلام الناس على
المشرحة كجراح ماهر. ولأنه فى سنة أولى يعرف أعراض
الأمراض.. ولا بد أن يعرف وهو فى سنة رابعة طريق العلاج ووسائل
الشفاء! يمشى فى الشارع فتستوقفه كومة من اللحم ، ويجده طفلاً
نائماً فى الوحل ، والندى يسقط عليه. ولا أحد يهتم أو يرميه أو
يسأله لماذا ينام بلا مأوى ولا غطاء. ويوقظه من نومه ليسأله ماذا
رمى به فى هذا الحرمان ، فيجيب أن أباه مات وأوصى عمه عليه
وهو طفل صغير ، وبدلاً من أن يهتم العم بابن أخيه تزوج من أم
الطفل قبل أن تمس الأربعون.. القصة منظومة فى بضع كلمات.
وكل حرف فيها يصرخ ويئن ويتوجع وكأنك تسمع صوت الطفل
المهجور المسحوق الذى غدر به عمه القاسى الظالم!

(*) كتب هذا المقال يوم ٢١ من ديسمبر ١٩٧٩م فى جريدة الأخبار وكان الشاعر
وقتها طالباً فى كلية الطب وجاء هذا المقال بعد لقائه بمصطفى أمين وقد أعجب
بشعره وكلماته الرقيقة فكتب هذا المقال فى عموده اليومي الشهير (فكرة).

وهو يمشى فى آلام الفلاحين والمسحوقين. يريد أن يغنى ويرقص
ويطير.. وهو لا يستطيع أن يغنى فى أحزان الناس. ولا أن يرقص فى
مآتمهم. ولا أن يطير وهم يزحفون على بطونهم. وهم يشكو أن وعدنا
الورد أن نرويه بالحب فلما كبرت الوردة، وفاح عطرها قطعناها
بأيدينا القاسية. وهو لا يستطيع أن يقدم لحبيبته الورد والروائح
العطرية وإنما يقدم لها الفاس والمقطف لكى يملأ الصحراء زرعاً،
وليضع فى كل ماسورة مدفعاً، ويرفع مثذنة لكل جامع، وليحول
سجون الماضى إلى مصانع، وليملأ قلوب الناس بالحب والخير!

وهو عندما يحب معشوقته لا يحبها كأتى امرأة! إنه يحب قلبها
يعشق، وعقلاً يفكر، وساقية تدور تروى الكفر والبندر، وشمعة
تضئ الحارة، وشجرة تظل الأهل، وأما لأولاد يصبحون رجالاً فى
ساعة الشدة. ولا تلبث أن تجده يعشق مصر، ولكن مصر التى
يعشقها لا يعشقها وحدها، وإنما يعشق كل مدرسة وجامع فيها،
كل بائع يرحم الشارى، وكل شار يعذر البائع.

وهو يتساءل ما قيمة اللمة بغير كهرباء، وما قيمة وابور الجاز
بغير أبرة الوابور. وما قيمة الفنان بغير الموهبة، وما قيمة شعب بلا
ثقافة، وهو يطالب بالكتاب إلى جوار الرغبة، بل يطالب
بالكتاب قبل الرغبة، وهو يقول أن الرغبة من غير كتاب هو
شعب يدفن نفسه حياً فى التراب.

إن طه السيد حشيش طالب فى السنة الأولى من كلية الطب..
ولكننى أحسست وأنا أقرأ ديوانه الشعبى المتواضع أننى أشهد
مولد دكتور فى كلية الشعر!

وسوف يدوى ذات يوم اسم هذا الشاعر الصغير المجهول!

مصطفى أمين

مُفْتَتِحُ

أول خيوط الفجر	شمعه تقيدها حروف
نورها عصارة فكر	بيكش منه الخوف
ودموعها نازلة تشر	تحى بدموعها ألوف
والحق لو كان مُر	بتقوله ما فى كسوف
أصل يا ناس الحُر	صوته كده معروف!!

..وعند الساقية تسلى

فى قلبك يترسم إسمى
بنورك لما تبتسمى
ويرقص قلبى ويفنى
يصحى الفرحة فى جسمى
ده لما عنيكى تهمس لى
هويتنى كما إبنك
وحبيتك كما بنتى
وعشنا عمرنا نضحك
فلا نسيتك ولا خنتى
قالوا لى أبعد فى يوم عنك
عليًا.. والله ما هونتى
ده قلبك موطنى الأصلي

وعند الساقية نتسلى
أنا أروى الأرض.. ونفثى
ماليش غيرك أناضله
ولا يوم غيرى تمني
ولما نحصد الغله
نبارك بعض ونهني

ويذعي رب تسلم لي

أحبك والهوى بحرى
وموجه جلو متعافى
ده قلبك مركبى السحرى
وموجه عزم مجدافى
وموج البحر حين يجرى
ويلمس كفك الدافى

بيتهادى ويرقص لي

أحبك والندى إنتى
وعود أخضر حيا طنتى
أحبك تعشقى شعرى
أحبك تفهمى صمتى
أحبك زى ما كنتى
لحبنى وغريتى صنتى

وتشتاقى ليوم وصلى

يا حبيبتي.. ما أنت عارقه

نفسى أجيب لك كل غالى لو عنينا تطلبها
لا يا حبي.. أنا مش بغالى ما أنت عارقه إيه اللى فيها



هاكره أول يوم ما شفتك ويا رحله فى الجنينه
الهوا يفازل فى شمرك والحنان نور عنينا
والعبير من بين شفايقك نسمة صافيه تقوح علينا
يومها قولتى لى "حبك" صحيت لى روحى بيها



يومها عرفتك ظروفى وأنت لسه فى البدايه
قلت لك أنا كل خوفى تتعبى قبل النهايه
دى الهموم فى الدنيا طيفى والطريق صعب لهوايا
شلتى أحزانى وكسوفى لما قلتى نبتديها



بيكى كل الدنيا صارت وردة تضحك بين إيدينا
والطيور بعد أما كانت ساكته.. غنت لما جينا
والجراح بالحب هانت والحياة فرحانة بينا
والطريق أولها باننت شمس حب النور مالها



لسه وفى نص الحكايه رحتى ماشيه بدون تحيه
وانتهى حبك معايا والسبب حالتى الماليه
قلت لك أنا م البدايه لا أنفمك ولا إنتى ليّا
نفسى واحدة تكون معايا ع الظروف نقدر عليها



يومها أجيب لك كل غالى لو عنيا تطلبها
لا يا حبي أنا مش بقالى م الظروف فُزنا عليها

أغنيك وأحلميك

طول عمري مستنى القُرب من قلبك
فى نهاري أنا أغنى وفى ليلي بأحلميك



من قبل ما شوفك بالقلب حسيت بك
ياما رسم طيفك وأتمنى يوم ودك
ده الفجر من نورك والفل من خدك



ياللى الجمال رسمك والابتسام طبعك
والسحر ده إسمك والحب من زرعك
بليل أنا نفسى أرقص على فرعك



مادد أنا إيدى وفارد لك أغصانى
وصلك ده يوم عيدى وفراقك أحزانى
دى عنيكى دى بحرى ورموشها شطانى
باغزل أنا شمى منها.. وألحانى



يا نسمة حين تسرى فى الورد يتبسّم
ويزقزق الإمى فى القلب ويقسّم
إمتى يا نور عمى الحلم يتجسّم



قسوة الحبيب

يا حبيبى إيه الحكاية	كل ساعة فى حال وحيله
يوم علينا ويوم معايا	دى الحياة حلوة وجمله
كنت فاكرك ليا أتارى	الأمانى مستحيله
إننت بايع ولا شارى	قولى إيه هى الوسيله
قول لى كيف أوصل لقلبك	دى الحياة أيام قليله
إننت بتفكر بعقلك	أما عقلى راح دليله
هو معنى الحب عندك	يتسى بين يوم وليله
دى المشاعر حاجه ساميه	قصدى لو كانت أصيله



بس أنا هافضل أحبك	ياللى حبى لك قضا
أصل أنا من غير ما حبك	زى طير تاه فى الفضا
كنت فاكرك بتبادلنى	السعادة والرضا
وأفرح أما بتعاتبنى	لما أكلهم ده ودا
أتارى قلبك بيشاغلى	والحقيقه غير كدا
كنت فاكر إن عمري	الحقيقى بيبك إبتدا
مللعت قاسى بقلب حَجَرى	لا صوت يجيب ولا صدى

حرب ولا حب

شهر - شهرين أو سنه كل أحلامي في قلبك
كانت الأيام ضنا صارت هنا من يوم ما شفتك
أحلى كلمة في ودني أنا يوم ما قلتي "قررت أحبك"
دق قلبي صار غنا والعيون تتمنى قُربك



هو يعني الحب عندك حرب لازم نبتديها
ذنبي إيه أتعب بعندك م الحياة كفاية اللي فيها
دنيتي تضلم في بعدك إنتى شمس تنوريها
كنت مش حابيها قبلك أما بعدك باشتهيها



اللى نفسك فيه قوليه	ليه تخبى وليه تدارى
واللى حبك.. اشتريه	ياللى حبك طفى نارى
نور عنيكى باحيا بيه	كان فى ليلى أو نهارى
فين حنانك التقيه	ياللى طال فيكى إنتظارى



كل ما قرب من هواكى	إلتقيكى تبعدىنى
ياللى رى اصطفاكى	ليّا اوعى تكرهينى
بدعى رى يا ملاكى	دين ودنيا تكون قرينى



غیروکی

غیروکی تانی منی قسّوا قلبک لیه علیّا
یا للی قلبک حتہ منی ده إنت روحی ونور عنیا
بس نفسی أعرف یا حبی لیه جری فی الدنیا دیا
هو حُبک کل ذنبی دی الصراحة طبع فیّا
یعنی کان لازم نخبّی م الی قال حبک خطیّا؟



ده إنت حُبک لی دین والعیون هی الرسول
کنت أشوفک کل حین والنهارده الشوق يطول
کان مُنایا من سنین زی قلبک یوم أنول
والنهاردة صار حزین قلبی من فعل العزول
ضحک قلبک صار أنین والظنون مَلَتْ العقول



أحلى طرحة

أصل حبك ده صلاتي	كل يوم باحبك أكثر
عن منايا وعن أهاتي	مهما قلت إزاي أعبر
حلمي بيكي صار ليلاي	كل ثانية شوقي يكبر
إمتى صبح الفرح آتى؟	قلبي كل دقيقة يسأل
لما ترجع أغنياتى	والفراق غريائهُ ترحل
أحلى طرحة يا حياتي	والحنين للقرب يفزل



إنتِ قلبك نهر صافى	جوّه قلبي يا حبي دُوبى
نور عنيكى لجرحى شافى	نهر بأغسل فيه ذنوبى
عن هوايا إياك تخافى	يا حبيبتي إياك تتوبى
فى عز "طوبه" أحس دافى	ده إنتى شغرك ليا تُوبى
دق قلبي ليكى وافى	عمري ما أنسى يوم هواكى
مستعد أمشيها حافى	لو هايمل الشوك طريقك



فى ابتسامتك نفسى أغرق والشجر يضحك يهفهف
والطيور ترجع تزقزق والحياة من الحقد تتضف
والحبيب لحبيبه يمشق والمتاعب بينا تراف
لا يا حبي أنا عمرى ما زهق ولا غيرك يوم راح أعرف

❖❖❖

غير حلاوتك ما اشتھيها

إنّی حاحه وھما حاحه	إنّی أصلک حاجة تانیہ
إنّی طیبہ أو سذاجہ	أما ھما راس لحيہ
ھما غدر أو سماجہ	وإنّی شجرہ مستحیہ
نفسی أنزع لك جذورك	من اراضی الخبث دیّا
بس ساعدینی بدورك	لما أقول لك إنّی لیّا
انصفینی لما أشورك	وانسی کل الأهل بیّا



شئ عجیب الوردۃ تطلع	من اراضی الشوک مالیہا
ولّا شمس الفجر تسطع	والفیوم حطّت علیہا
نفسی أحرث ارضی وأزرع	بس ارضی السوس کافیہا
اتبسامتک لیّا منبع	بروی روحی وقلبی بیہا
عینی مئک يوم ما تشبع	دہ إنّی صورتک ساکنہ فیہا
دق قلبک غیرہ ما سمع	غیر حلاوتک ما شتھيہا



إعذريني يا حبيبتي اللى حاسس بيه بأقوله
قلبي حبك.. حبك إنتي بيكي صاحى الليل بطوله
مش هاخضع يوم لفيرك أو هاينسى يوم عزوله
جُو قلبي يغنى طيرك أحلى شعر كتبتهوله



بكره عيدك

كان مُنايا أكون معاكى	بُكره عيدك يا حبيبتي
قلبي من أشجانه باكى	ما إنت عارفه مش بإيدى
إنى أشكى من هواكى	عمري ما اتوهمت حتى
وايه يصبرنى لولاكى	عارف إنه مش بإيدك
والنسايم من روباكى	ده إنت نور فى القلب سارى
هو قلبك صار بلاكى	ليه فى عنيكى الحزن قارى
روحى.. قلبى.. دول فداكى	ده إنت أطلع قلب شفته
جه المزول قطع شباكى	حبى ليكى بقلبي صنته



كان منايا يكون عيدين	بكره عيدك يا حبيبتي
زى وردة فى وسط طين	عيد ميلادك لما بنتى
نشفي بيه المجروحين	وعيد فرحنا قلبي وإنت
نبض قلبي صار أنين	جرح حبى لسه نازف
ياذى كل العاشقين	والمزول وكأنه حالف
يخلع الحق الدفين	بس ربح القلب قادر



وحشتينى

وحشتينى وأنا جنبك يا نور قلبى.. وحشتينى
أنا طول عمرى بأحلم بك فى ننى عنيكى.. خبينى
عنيكى بحر من لؤلؤ على صدرك.. يرسينى
وموجه عالى ويببرق يفرق فيه عدوينى



هواكى كان مئى قلبى وياما حلمت أنا بيكى
وقلبك راحه من تعبى وطيبتك أحلى ما فىكى
يا غنوه قلبى لحنها فى يوم فرحك.. بهنيكى
يا وردة.. ما أحلى ألوانها وكان العطر من فىكى



خدودك للهوى نسمة أشم هواها يحيينى
شفافيك.. للعليل بسمة ومين غيرك يداوينى
ده شعرك للجبين قُصته ووشك نقش فرعونى
وحبى ليكى صار قصته يا أجمل صورة فى عيونى



أمير العشاق

يوم يفوت ما سمعش صوتك	صدقيني ده شئ خطير
البلايل حاسدة صوتك	والطيسور منك تفسير
يوم يفوت من غير ما شوفك	أبقى عايش كالأسير
الورود تلمس خدودك	يبقى شوكةا خيط حرير
ده النهار من غير عنيكى	ضلمه يا بدرى المنير
والحياة من غير هواكى	بامشى فيها كالضرير
أما قلبى فى يوم لقاكى	صار على العشاق أمير

❖❖❖

هاتى قلبك ويا قلبى	يا حبيبتى يعيش معاه
ليه ندارى وليه نخبى	ده إنت حُبك ليا جاه
قبل حُبك كنت فاكر	اللى فيها - دى - حياه!!
كُنت زى الطير مهاجر	والفؤاد شاب من شقاه
جه هواكى الحلو ساحر	رجع القلب لصباه
بيكى حسيت إنى شاعر	أحضن النجم فى سماه
قلبى بيكى صار مفامر	ذلّ - حقد الناس - معاه

❖❖❖

حبك هو إلهامي

سافرتي وقلبي وياكي	ومين غير قلبي يستاهلك
لوحدي سهرت أنا باكي	وحتى في نومي بأحلم بك
في بُعدك عشت أنا في كربه	نهارى ولىلى بأنسدهلك
وليه الهجر والفريسة	ده وأنتى معايا باشتقلك
ما بين الدمعه والآهه	أعيش وأحلم بيوم وصلك
في قلبك ما في غير طه	على دقاته يرقص لك

❖❖❖

معاكى الدنيا تضحك لى	يا أجمل ضحكك في أيامى
هواكى في قلبي حرك لى	مشاعر نايمه في أحلامى
حمامة إنتى على غصنى	تفنى أحلى أنفامى
عنيكى ملايكه تحرسنى	وحُبك هو إلهامى
أنا بيبكى ملاك طاهر	في جنة حبنا السامى
ومن غيرك أنا حاير	كأنى قطعت أرحامى

❖❖❖

قلبك جنبى

أخاف عليكى لو حتى جنبى وأشتاق إليكى لو يوم بعدتى
يا نسمة تسرى من جوه قلبى تنمش حنينى وتهدى حيرتى
الشوق إليكى دبلّ جفونى والمين عليكى مطرح ما كنتى
من عشقى ليكى كترت ظنونى آه من عنيكى من يوم عشقتى
فين لما كانت أحلى الشفايف مالمش سيرة غير بس سيرتى
دلوقتى بسهر طول ليلى خايف الصبح يطلع مالقاش حبيبتى!!



يا وردة حلوه فى الفرح فاحت يا لحن صاهى لأجمل أغانى
من يوم ما شمسك بليلى لاحت الطير يفنى والنور ملانى
مين كان يصدق فى يوم أحبك ده أنتى الأميرة.. والشوق رمانى
من يوم ما زقزق عصفور هوانا وأنا قلبى حالف ما يدق تانى
إلا لعنيكى يا ننى عينى غير حبك إنتى والكل فانى
قلبك ده بيتى بس إعدرينى أهواه لوحدى وأكون أنانى



عليكى قلبى وصّانى

أنا فى هواكى متربى ده قلبك أصله بُستانى
عنيكى فى الهوى طبى عليكى قلبى وصّانى
ده شعرك ديل حصان عربى ووشك حُسن ربّانى
لمين غيرك يَكُون حبى ف قلبى ما فيش قمر تانى
معايا ف فرحى وف كَرْنى وعُمري ما عشت وحدانى
وليه هاندارى ونخبى ده حبك (هو) عنوانى



هواكى نسمة تحيينى وتنعش فلى وجدانى
وبانسى أيامى وسنينى فى يوم م اخذك فى أحضانى
بمادك عنى يشقيني وقريك منى هُنانى
حنانك نهر يروينى غُناكى أحلى الحانى
بصورتك تكتفى عيني واسمك غُثوه ف لسانى
وأنسى حين تَضْمينى لصدرك - كُلّ خِلَانى



أنا عصفور على غصنك وانتى معايا وحشانى
أغنى لك وأرقص لك تشاورلى - أعيد تانى
ده أنا فى هواكى متربى وقلبك أصله بستانى

ليه نتقل

عشان حنيت ليك نتقل ده أنا ف التقل أستاذك
ما كانش في ظني ده يحصل تمسبب القلب حين عازك

❖❖❖

وليه طبعك صبيح قاسي ده قلبك في كان دايب
يا واخد عقلي من راسي في حُبك صرت أنا تايب

❖❖❖

دي كانت رفقتك عنوان لكل العاشقين جَنّه
وحُضنك ما في زيه حنان شفايفك للمروس جَنّه

❖❖❖

أنا حيران لأفعالك عملت أنا إيه عشان تنسي
نسيت الكل علشانك وقلبي عملته ليك مرسى

❖❖❖

سفارين ياما كات ترسي على قلبي ويطردها
وأخر جبي ليك تقسي وكنت نجومى ترصدها

❖❖❖

سماك دلوقتى مليانه نجوم غيرى بلا معنى
طيورك واقفه حيرانه حزينه تمام بدون معنى

❖❖❖

وفين لما القلوب كانت بتحضن بعض وتزقزق
وتطرد بومه لو صاحت وشمس الحب بتشقشق

❖❖❖

أنا مشتاق إليك والله مفيش غير خجلى مانعنى
عنيك من بين غيوم طاله لقلبك شارى - ليه باعنى؟

❖❖❖

وفين راحت أمانينا ده أنا عايش عشان خاطرك
كمان ناسى أغانينا ده شعورى ناظمه من بحرك

❖❖❖

يا روح تسرى فى شرايينى حياتى وحى إلهامك
غيابك عنى على عينى ح أجيلك حتى فب أحلامك

❖❖❖

دموعك سبحة من فضه حرام تنزل على خدك
بنورها كنت باتوضا يروح تعبى بحنان يدك

❖❖❖

زمان كُنا حمام زاجل يوزع الأحبة سلام
على الأغصان بنتمايل وما فى غير هديلنا كلام

❖❖❖

بلاش الصدى يا حبيبى ماليش فى الدنيا أنا غيرك
وليه كده غاوى تمذيبي عنيًا ماشايفه غير نورك

❖❖❖

أنا غرقان ومين يقدر بدون عطفك ينجينى
ولو تبعد أنا هاخسر أمانى ف دنيتى ودينى

❖❖❖

تعالى نرجع الماضى وايام الهوى الحلو
ف حبك كنت أنا راضى وصوتك فى القلوب غنوه

أنا آدم

سلاّم من قلبى لميؤنك	أنا مش قد تمزيبك
بحبى ربي ها يصونك	وتانى تعمودى لحبيبك
فراقك عنى على عيني	ده أنا مشتاق لتتهيدك
ونهر الحب يرونى	نغم لحنّته على عودك
حبيبتي روحى مشتاقه	سماع صوتك وتغريدك
فى بعدك إيدى محتاجه	تدفيها بحنان إيدك
أنا وردة لولاكى أدبل	دى ريحتى رمز لمبيرك
وقلبي ف الغياب يسأل	ينور ليلى.. مين غيرك؟



يا نجمة ف السما تتشر	رسايل حب للعاشق
يا نسمة للقلوب تسحر	ده أنا قلبى إليكى إشتاق
أنا آدم ومين غيرى	يسيب جنبه عشان حواء؟
أنا م الدنيا مش عايز	سوى عنيكى تكون لى براق
عشان أقدر أطيّر ليكى	وأحضن وجهك الوضّاء
أنا حبيت جميع الناس	ومش مهتم بالأسماء
م أنا من يوم م حبيتك	وكل الناس فى قلبى سواء

أسف إنني بودعك

إيه حكايتك يا حبيبي يوم تجافى ويوم تحن
يوم تكون آخر حلاوة ويوم عنيك مليانه ظن
إنت مستخسر سعادتي ولا طبعك غاوى غم
من عمايلك جن عقلي إمتى عقلك راح يجن؟

❖❖❖

ليه كده حبك عجيب زى قلبك مافى قلب
ده أنت لما ف يوم تغيب قلبي ما بيلقى له طب
وأما يوم تعطف تمود كل كلمة تقولها سم
إنت قلبك ليه عنيد بعده حالف يوم ما أحب

❖❖❖

كل ساعة بلون وشكل ده إنت حبك شيء خطير
يوم عنيك تاكلنى أكل باقى أيامك تفسير
العذاب فى الحب طبعك ليه بتسعد بالألم
ده أنت ما بين الحبايب فى القساوه بقيت سفير

❖❖❖

قول لى أعمل إيه لقلبي لأجل ما يوم يكرهك
أصلى أنا لو يوم كرهتك من ورايا بيندهك
كل صبر وله حدود عمر ما بينفع ندم
ياللى حبك صار قيود أسف إننى بودعك

يا خالق قلبي.. رحماك

هلّ الميّد وهلالك فين شايك جوّه العين والقلب
ده إنت إن غبت عليّا يومين كنت أعيش بين همّ وكرب
ليه تهجرني وليه تتساني ليّا - ما كان غير حبك حُب
ياللي هواك جدد لي زمانى ليه ترميني ف وسط الدرب
قالوا عليك - يا حبيبى - أنانى كنت أقول - مش ممكن - كذب
ده إنت عنيك على طول سحرانى قول لي إزاي الأقى لهم طيب
قبلك - كنت بأعيش وحدانى لما هواك على قلبي - هب
قلبك - كده بشويش صحانى خلا الروح - من تانى - تدب



مين كان يحلم إني في يوم أبقي ف دنيا غير دنياك
ياللي هواك علمني الصوم عن كل الحلوين إلّاك
ف بمادك يخاصمني النوم طول ليلي وأنا فكري معاك
مع إلك قاسى وعنهيد مش قادر - يا حبيبى - أنساك
تدلّ وأنا شوقي يزيد وأتمنى لو نلت رضاك
حتى الحب أسياذ وعبيد يا خالق قلبي - رحماك

بطل جنونك

يا حبيبي إزاي تُمر
ليه يا حلو صبحت مُر
من علينا بدون سلام
ولا بتعزّ الكـلام
نظرة واحده ليك تُسر
ده إنت محفوظ المقام
جوّه قلبك عشت حُر
مالى غير حبك غرام

❖❖❖

ليه بتهجر وتعاندى
وأما قلبك بيواعدنى
ده إحنا روح بتدوب ف روح
كان تطيب كل الجروح
لما أتعب قوم ساعدنى
ليه تسينى - يا حُبى - أنوح
ياللى حبك كان ساعدنى
والعبيير منك يفوح

❖❖❖

مش ها تقدر تنسى حُبِّي حبِّي لِيك هو الحياه
ده أنت حُبك جوّه قلبِي زِي طَير إشتاق غُناه
لو تشاور- يوم- ألبِي أجرِي أبوس أجمل شفاه
إنت دائِي وإنت طَبِّي قلبِي لَمّا هاجرتَه.. تاه

❖❖❖

يَا حَبِيبِي بلاش تَغَيِّر هُوَ أَنَا معقول أخونك
قلبي صار هي هواك أسير بدعي رِيَّ - لِيَهْ - يصونك
حُبِّي لِيك أكبر كثير عَنِّي روح إسأل عُيونك
هدِي نفسك يا أَمِير ع القلوب.. بطَّل جنونك

إمتى ترجع يا حبيبي

لا أنا أقدر ما حبكشى ولا اتحمل فى يوم غيرتك
أغيب عنك.. ما همكشى وكل دقيقة أنا ف سيرتك
ده قلبى غيره ما ملكشى ويتمنى ف يوم جيرتك
وليه قلبك ما يرحمشى يعذبنى.. تزيد حيرتك



تعالى اهدى على صدرى ف حبى - ياما - سهرتك
بحبك ابتدا عمري وجوه القلب.. أمرك
سفینتك مالها غير بحرى وبين أحضانى كبرتك
كلامك كان يفوق شعرى تقوم تهجرنى.. يا خسارتك



أنا وأنت ما فیش ثالث یفرقنا ویجمعنا
ومن غیرک أنا بایت لیالیا بدون معنی
طیور الحب وحشانا نغنی لها.. وتسمعنا
وترقص تانی ویاأنا ندلعها.. تدلعنا

❖❖❖

بلاش تتعبنى أنا منك ومثک.. عُمري أنا ما ازعل
ومقدرش أغیب عنک وعنک قلبی راح یسأل
أقول له القاسی هاجرني ما کانشی فی ظننی ده یحصل
یقول لی بکره راح یرجع یخلی . دنیتک . أجمل

أأمرى

مررت لىالى الضنا	جُزن والام وجراح
نستى طعم النها	وسمعت . ياما . نواح
وف يوم لقيتك أنا	طالله يا أحلى صباح
غنيت طيور حبنا	ملت القلوب أفراح
حلقت فوق فى السما	بين النجوم سواح
يضحك معايا القمر	أخذك فى حضنى أرتاح
أقول له إنتى القمر	وانسى زمانه - راح



من صفرى كنت أرسمك	فى القلب ورده وبيت
وف ننى عيني أحرسك	وف لىلى . ياما . حكيت
أيام طفولة ومرح	لحن الهوى غنيت
ترقص قلوبنا فرح	غيرك ما يوم حبيت
حبك فى قلبى سرح	مهما إنجرح . ما شكيت
إوعى ف يوم تهجرى	قلبى . ده ياما . قاسيت
بس إنتى يوم أأمرى	تلاقينى جنبك . جيت

الحب مسيره يرجعنا

عصافير الحب تودعنا والدنيا ما قدرتش تساعنا
ده أنا حبي وحبك يا حبيبي نبعد ونقرب يجمعنا

❖❖❖

مين يقدر يقتل مشاعرنا أو شوقنا لبعضنا يمنعنا
مين يقدر يسرق أفكارنا نتكلم . الكون يسمعنا
فبعادنا . الدنيا تتوح ونعيق الغريبان صدعنا
لورحنا مطرح ما نروح الحب مسيره يرجعنا
عصافير الحب تودعنا والدنيا ما قدرتش تساعنا
ده أنا حبي وحبك يا حبيبي نبعد ونقرب يجمعنا

❖❖❖

يا حبيبي أنا قلبى معاك إدلّع على قلبى براحتك
لو تهجر أنا هستاك من عشمى ف هواك وسماحتك
بس أوعى تطول ف غيابك ولا مرة يا حبيبي جرحتك
هاتلف وترجع لآحبابك والحب مسيره يرجعنا
عصافير الحب تودعنا والدنيا ما قدرتش تساعنا
ده أنا حبي وحبك يا حبيبي نبعد ونقرب يجمعنا

❖❖❖

مش ممكن نبعد يا حبيبي	عن بعض لو حتى ثواني
م أنا أصلى ف حبك يا حبيبي	إعذرنى . طمّاع وإنانى
ده أنا روحى وروحك عصفورة	تسرقص وتقنى بالحنانى
لو غابت عن عيني الصورة	الحب مسيره يرجعنا
عصافير الحب تودعنا	والدنيا ما قدرتش تساعنا
ده أنا حبي وحبك يا حبي	نبعد ونقرب يجمعنا



هات إيدك فى إيديا تعالى	هات راسك على صدرى ارتاح
ف عنيا أحميك م القيالّه	وف ليلك راح أعيش مدّاح
يا قمرى دى نجومك غارت	من حبي . معلىش . سماح
على قلبى القسوة لو جارت	الحب مسيره يرجعنا
عصافير الحب تودعنا	والدنيا ما قدرتش تساعنا
ده أنا حبي وحبك يا حبيبي	نبعد ونقرب . بجمعنا

همسة عتاب

هواكى باقى جوايا كما الأول وحتى اكتر
اشوفك رايحة أو جايه بدونى . عقلى يتوتر
واسمك غنوه وحكاية ف قلبى وروحى متسطر



حرام ننسى هوانا يوم ولسه عود هوانا أخضر
بعادك عنى خلا النوم يفوت ع العين ويتأمر
أنا فى الحب ليه مظلوم كثير أنا صُمت . نفسى أفطر



يا فايت ع الحبيب قول له حبيبك نفسه ليه تحضر
تجبه إزاي ويتذللّه وفيه الفرحة مستخسر
غلط فيك يوم إغفر له يا قاسى القلب . مرّة . إعدّر



أنا من غير لقاك هايم لا باتقدم ولا اتأخر
ده قلبك قلبى كان صايم عن الحلوين ومستكبر
ومش ممكن تكون ظالم يا قلب أبيض ولون أسمر

❖❖❖

يا حلوة فين حنان قلبك يا ضحكه صافيه كات تسحر
وليه حرمانى من حبك ف بعدك قلبى كيف يصبر
يا عبلة فى الهوى عبداك مفيش ليكى سواه عنتر

❖❖❖

أحبك والسما شاهد ف حبك ياما كنت أسهر
ف محرابك أنا عابد تحننى.. تقسى برضه أشكر
جمالك غيره مش شايف يا أحلى من القمر.. وأقمر

❖❖❖

انت أكثر من حبيبتي

كلميني يا حبيبتي	كل يوم باشتاق إليك
كلمة منك دى سمادتي	قلبي صار ملهوف عليك
ليه بصادك عنى طول	وانطفئ ليه نور عنيك
ياللى حُبك ليا حول	نهر حبي بين إيديكي



كان منايا تكوني جنبى	كل ساعة وكل يوم
ياللى حُبك كل ذنبى	بعد حبك - ما فى لوم
إنتى دائى وانتى طيبى	وانتى شمسي فى الغيوم
ليه تسبيني ف بحر حبي	لا أعرف أغرق أو أعوم



ليه لقانا صار مناسبه أو مصادفه يا حياتى
كل كلمه وخطوه حاسبه ليه نسيتى أمسياتى
ده أنتى حبك كان هلالى غيره ما ينور ليالاتى
ياللى طبعك فى العلالى قلبى مش راضى بسكاتى



نفسى أغنى نفسى أرقص بس لحنى صار حزين
عمر حبي يوم ما ينقص ده إنتى حبك ليا درين
م اللى قال إنك حبيبتى ده أنتى نبع للحسين
إنتى أكثر من حبيبتى إنتى قلب وروح وعين



قلبي في حُبِّك .. صبور

كنت تايه جوه همى قلبي منى راح يضيع
شفت وشك زى أمى وردة تضحك للربيع
خدت كفك بين إيديا ناعمة دافية كالرضيع
ده إنتو روحى ونور عنيا بيكى كل الناس.. أبيع



قبل حُبِّك كنت عايش زى طفل فى ليل صقيع
قلبي قبلك وغد طايش وأما حُبِّك.. صار وديع
إنتى فجر الحب.. نفسى شمس تطلع ع الجميع
لو عليا ف يوم هاتقسى راح يكون قلبك.. شفيع



إنّتى عايشه جوّه قلبى ضحكة صافية تشع نور
لما أقابلك ليه تخبى عنى حبك.. ده أنتى حور
العيون بتقول باحبك بس قلبك.. موج بحور
مدّ مرة.. جذر مرة إمتى يرسى له شعور



زقزقى لى يا حبيبتى رقصى كل الطيور
إنّتى عصفورة جميلة ليه تكونى جوّه سور
مرة أحسنّ إنك بسيطة مرة أشوف فيكى الغرور
حتى لو قلبك عاندنى قلبى فى حبك صبور

مهما هوتى

"موها" دى ست البنات وشها مالوش مثيل
بقها سكر نبات ديل حصانها أحلى ديل
والعنين دول من سككات يشفوا من نظره العليل



مهما هوتى، مهما هوتى بنت حلوة وبنت شاطره
ع السلالم خطوة خطوة والحضانه نزوحها فاطره
راح تقول لو يوم تشوفها هى دى بنت الدكاتره



مهما هوتى دى حبيبتي نفسى أحضنها وأطير
حاجة واحدة بتضايقنى كل جبه تقول عصير
وأما بزعل.. ليها ضحكه تشبه البدر المسير

كل عام وانت الحبيبة

كل عام وانت الحبيبه	كل ليله وكل يوم
وانت من قلبى القريبه	كنت صاحى أو فى نوم
النهارده عيد ميلادك	والريبع فتح زهوره
والنهارده يوم ميلادى	نفسى قلبك.. مرة أزوره
النهارده عيد ميلادك	فى الفؤاد ده يوم جلوسك
بس حاسس وف بعدادك	إنى نفسى أطير وأبوسك



حاسس إن الدنيا جئته	والريبع للحُب غنّى
والشجر خضّر عشانا	والطيور غيرانه منّا
حطى إيدك بين إيديا	نزرع الأيام جناين
ورده بيضا من عنيّا	وانت عطرك فيها باين
حُبى ليكى ده البدايه	لليالى الحلوه جاّيه
طول ما قلبك كان معايا	مين هيقدر يوم عليّا

حنى مرة ع الغلابه

قلبي كان قاعد ف حاله	جيتى إنت وصحتيه
كات مشاعري ف قلبي ماتت	رديتى لى روحى فيه
الحياة كات ليله ضلمه	والنهار كان كله حيره
بيكى أصبح ليلى جنّه	وانتى فى القلب الأميرة
بيكى شفت الدنيا حلوة	قبلك أنتى الدنيا غابه
- دق قلبك عندى غنوة	خللا قلبي يدوب صبابه
والكلام من بين شفايفك	لحن يرقص ع الريابة
من زمان وأنا قلبي شايفك	ياللى أطيب م الطيابة
أعمل أيه وأنا قلبي عاشقك	حنى مرة ع الغلابه

ابن الأرض

يا أم الخير
يا وش الخير
يا نسمة حب تهفّف
تملا قلوب الناس بالخير

❖❖❖

وف يوم عيدك
نفسى أغنى.. أرقص.. أطير
بس إزاي يا حبيبتي أغنى
والناس نسيت
إن الليل من بعده نهار
بس إزاي يا حبيبتي أنا أرقص
وانتى سفينتك
تاهت عن عنوان الدار

ده إنتى سفينتك
بين الموجه وبين الموجه
زى اللقمه ما بين القط وبين الفار
يا أم الخير
يا وش الخير
يا نسمة حب تهفّف
تملا قلوب الناس بالخير

❖❖❖

وف يوم عيدك
نفسى أهنى وأقول مبروك
بس إزاي يا حبيبتي أبارك
وانتى قبالك
شايغه ولادك
غير الضلمه ما يعرفوا نور
ده إنتى ولادك نايمه.. ونايمه ونايمه.. ونايمه
ونايمه ونايمه ونايمه فى سابع نوم
آه.. أصل ولادك نايمه بتحلم
... إن تكمل أكلها نوم!!

❖❖❖

يا أم الخير
يا وش الخير
يا نسمة حب تهفّف
تملا قلوب الناس بالخير

❖❖❖

يا ورده وعدوها
بالحب يرووها
وبين الجفن والننى
رايح يبقوا يشيلوها
لو جت فى يوم طرحت
ولما الورده جت كبرت
وطرحت أحلى ما فيها
وفاح العطر من فيها
بأيّد قاسيه.. قلموها
وراموها..

لحد عنيا ما انجرت
وقالوا عنها.. إنتحرت!!

❖❖❖

وف يوم عيدك
مش راح أجيب لك فستان مكسى
أنا بدى أكسى
كل يتيم ويتيمه عرايا فى عز البرد
بدى أعيد الورق الأخضر
يكسى فروع الشجر العارى
لأجل يضل فى القياله ولاد الأرض

❖❖❖

وف يوم عيدك
مش راح أجيب لك قلم الروح أو برهان
أنا راح أجيب الفاس والمقطف
لأجل مانيلك يوصل آخر طفل فى آخر نجع
لأجل ما يملا الصحرا الزرع

❖❖❖

أنا راح أركب كل ما سورة مدفع

مادنه لجامع

علشان يعلا بلال بأدانه

أنا راح أحوّل كل سجون الماضى

مصانع

أنا راح أحوّل كل رصاصه

لبذرة خير

لأجل ما تعرف كل الناس

حُب النفس وحُب الغير

لأجل ما يملا قلوب الناس

- يا حبيبتي - الخير

يا أم الخير

يا وش الخير

يا نسمة حب تهفّف

تملا قلوب الناس - بالخير

ودى عادة الدبان

مولد وصاحبه مات
والكل عاد داره
فيه اللى قلبه إنجرح
فيه اللى صدره إنشرح
واكثرهم إحتاروا
❖❖❖

لفيت بلاد الله
وتعبت م اللف أنا
والعقل مفتاحى
مالقيتش غير عندنا
الزفة للصاحى
❖❖❖

المولد اللى إتصّب من كم سنه فاتوا

كان ملجأ التدبان

راقدا ولا يقمشى

وصاحبنا كان يطريه

ويريحه وشّه

فكشّف له أسرارّه

وكعادة التدبان

بيحط ع المكشوف

بيحط ما يقمشى

❖❖❖

من يومها فيه اللى إنجرح

من يومها فيه اللى إنشرح

وأكثرهم إحتاروا

لكن ما حدش قدر

منهم.. على هشّه

بص إتلفت

يا ابن البلد بص إتلفت

دول كلمتين زى الطلق

إن صابوا..

صبت وتبسط

وإن خابوا

إحذر م الفرق

❖❖❖

لا تعبى فى القرطاس هوا

ولا بالمناخل تملا ميه

أو يوم تقول صمتك دوا

ده الصمت مفتاح البليه

❖❖❖

إفهم ودقق فى الكلام
مش كل من فى الساقية تور
مش كل زفه تكون سلام
ولا كل عين بتحب نور
مش كل جاهل جه حرام
ولا كل متملم سوى
ده العقل والقلب "المقام"
فى الشدة ده بنيان قوى
بس إوعى تزعل م الكلام
ده أنت فاهمنى وفهلوى
ما هو أصل لو حشت الكلام
يخاصمنى شمعى ويتلوى.

صورة وموقف

مرة ماشى الصبح بدرى

زى عادتى كل يوم

يوم وكان البرد قاسى

جو شبوره وغيوم

❖❖❖

بتهيالى كومه نايمه

قلت أروح أشوف ده إيه

طفل نايم جنب حيطه

والندى نازل عليه

❖❖❖

قلت إنت ياللى نايم
والندى نازل عليك
قول لى يا بنى إيه حكايته
يمكن أقدر أعطف عليك

❖❖❖

قال لى أبويا مات وسابنى
مات وسابنى من سنين
كان موصى عليا عمى
ومين يكون غيره الأمين
أتارى عمى إتجوز أمى
قبل ما يفوت الأربعين

آه..

بدم القلب برويها
وجسم الآله دى دموى
دى شالت - ياما - من همى
وعشت أحكى لها عن جوعى
❖❖❖

حبيبى..
بعدت ليه عنى
وتدفن - بالحيا - شموى
ده لو جفت عيون أمى
عيونك شمس ينبوعى
ولو تاه الهوى منى
كفانى إنت.. ورا ضلوعى
❖❖❖

ومن صُغرى..
ركبت المركبه الخضره
ورحت أرسم خيوط بكره
ألاغى بحرى.. يتعبنى
ومن شعرى
سقيت الفنوة والفكره
ودقت الملح والمُره
ولا مرّة ألقى إيدين تساعدنى
بدون ما أدرى
لقيت نورك بيعضنى
وحرر بحرى م الضلمة
قتلت الفش فى الكلمة
وغنى الصخر من هنى
❖❖❖

بكيت النجمة يوم غابت
حزنت لزهرك دبلت
ومزعلتش..
تسيبني شمعہ مسكينه
ومن شمسك بتحرمني
وشمس الناس تدويني..
وتصهرني
ولما البحر طوحني
تتوه مني وتجرحني
وجاي تقول لي سامحني
أنا اسامحك
آه.. ومين طيب يسامحني؟!

محاسن مولانا البصل

الدنيا دنيا البصل	شوف كيلوه حصّل كام
لا تقول طحينه وعسل	ولا حتى بترول خام
مناخيره فوق فى السما	يتسافس الأهرام
طبعا يا سيدنا البصل	لك حق مافى كلام



إنّـت الطيب والدوا	والشفاى م الأورام
ريحتك دى مسك وهنا	يشهدلها البرفام
بتصحى م الإغماء	وبتشفى كل زكـام
وتسهّل الأرزاق	وتتّـون الأحلام
طبعا يا سيدنا البصل	لك حق.. مافى كلام



دول جففوك فى العلب وبقيت خواجه تمام
وييخرجوك بالطلب زى السذهب بجرام
بكره يعبك حقن أو يعلوك برشام
ويدندوك فى القنا ويمثلوك أفلام
طبعا يا سيدنا البصل لك حق ما فى كلام



أزرع غيطانك أنا وأسقيك طوال العام
والآخر أما أجمعك تصبح عليا حرام
سلمنا لك أمرنا وبقينا لك خدام
ندر" أما ترجع لنا نبني لك أعلى مقام

إيه يكون؟

إيه تكون اللبّه من غير كهريه

إيه تكون قيمة الكلام

والودان متسدده

إيه يكون فنان وعنده موهبه

من غير دراسه تشد حيله وتتجدد

إيه يساوى شعب عنده مال قارون

من غير ثقافة تغذى روحه وتسعده



الكتاب قبل الرغبة

شعب ما قدر يوم عليه أستعبده

الكتاب جنب الرغبة

شعب واعى وعينه صاحبه مفتحله

الكتاب بعد الرغبة

شعب خطى فى الحياة أولها باب

الرغبة من غير كتاب

شعب داهن نفسه - حى - فى التراب

يا تونسى.. يا منسى

يا تونسى قوم اصحى شوف شعرنا الميرى
بيقولوا قال فصيحى اوفن تعبيري

❖❖❖

نخلك يا بيرم دهب واحنا جريد فضه
فاكرين يا تونسى "الأدب" أيام وتتقضى

❖❖❖

فين انت يا بيرم تلحقنى م المغنى
فاكرينى يوم عنك راح أقدر أستقنى

❖❖❖

طلب قول لي كيف أنسى شمس الأصيل قالت
الحُب راح يرسى فين م القدود مالت

❖❖❖

ياما حكوا عنك الكلمة تشهدك
والقافيه يا بيرم كانت بتسجدك

❖❖❖

وصيتك كانت للشعر ولأهله
الشاعر الناجح الكلمة تنده له
الشاعر الفالح يفتح كتب يقرأ
يحرق في شعره الدم ويبلور الفكره

❖❖❖

فهمنا قصدك غلط طبعاً دى عادتنا
بلورنا إحنا الدم وحرقنا فكرتنا

❖❖❖

"ده الأناش كان إنت" "والإنسجام إنت"
"والمجلس البلدى" باقى وفين إنت

❖❖❖

طب قول لى كيف نقرا أو نكتب الكلمة
طول ما أنت يا بيرم غايب عن اللمة

❖❖❖

"وشموس أصيلك" فين يا تونسى فين "خوصك"
"ده عرضك إما اقترب" كان نفسى أنا أبوسك

إيه اللي ناقص يعمله؟

قاعدين على باب القطر
مع إنه اليوم كان رايق
يتكلم كلمه ويسكت
ويعيد فى كلام وحقايق
وكانه الطفل بيكتب وخايف ليميل ع السطر
قاعدين على باب القطر.



مع إن البت البياعة
ما قرتش فى يوم ولا "ألف بيه"
ولا تعرف تنطق م الكلمات
غير ستى وسيدى وعينى يابيه
ما هو أصل البت البياعة..
دى بقالها سنين
خدأه فى أكبر قصر



كان صاحب القصر من الأعيان
أوم التجار
كان يوم م الشرفا ويوم سمسار
كان له ميت شكل
وبرغم المال والمز
كان يمنع عنها الأكل
كان يمنع عنها الأكل..
وما بتهز
وما بين كفيه كان يجرى النهر
كات عارفه بأن النهر ييجرى فى أرض ولادها
ومياه النهر
دى دم الأهل.
كات ترضى بشرية صبر.
♦♦♦

وفى يوم البت الخدامة هريت م القصر
"رضيت بالجوع
ويشرب الصبر"
لكن..

ما بترضى - فى يوم -
تتلفق ليها التهمه
أو يفتح صاحب القصر خزائن الكذب
ويقول: دى الخاينه وشارية خمر
والآخر جاى يعاتبها على باب القطر
❖❖❖

والناس من كل مكان فى القطر
بيمدوا ودانهم وارقابهم
من بين الشيش المكسور
أوجوه الطرقة
زى المساجين
وخدودهم..
زى كفوفهم
جامده وناشفه ومحفوره
كالأرض البور
والشمس الحارقة..
بتعض الطين.

❖❖❖

وضهورهم مقووسه وبايه
كما ديل الكلب الأجرب لما يلف
على هيئة نص الدايه.

❖❖❖

الراجل صاحب القصر
بيعاتب لسه الخدامه
والناس تتصعب..
الناس تتصعب وتمصمص
شفايفها الناشفة اللى ما تتمص
الراجل صاحب القصر
بقى راجل عصبى
بيسب البت البياعة
والناس بتجز على سنانها
السايبه ودايما مرعوشه
وكأن الفم..
بقى حفله رقص



الراجل صاحب القصر
بيمد ايديه ويخفق...
والناس بتقمض فى عنيتها
والبت عيونها الدبلانه
بتحلق فيهم.. وتبص
وتبص..

الأوله آه

الأوله آه

الثانية آه

الثالثه آه

❖❖❖

الأوله بشيل الهم من صغرى ماقلتش آه

الثانية فى عز الضلمه خرجونى وقالوا تاه

الثالثه وباقى العمر عشت أسأل فى خلق الله

❖❖❖

الأوله بشيل الهم من صغرى ماقلتش آه ولا غير حقى أنا عايز

الثانية فى عز الضلمه خرجونى وقالوا تاه وآهو كله هنا جايز

الثالثه وباقى العمر عشت أسأل فى خلق الله لا فيه أعمى ولا عاجز

❖❖❖

الأوله بشيل الهم من صغرى ماقلتش آه ولا غير حتى أنا عايز غطايا وقوت
الثانية فى عز الضلمه خرجونى وقالوا تاه وأهو كله هنا جايـز حياة أو موت
الثالثـه وباقى العمر عشت أسأل فى خلق الله لا فيه أعمى ولا عاجز وليه يا سكوت؟!

❖❖❖

الأوله آه

الثانيه آه

الثالثه آه

حنين الروح

يتوه العقل أو يشطح
يفوص الفكر في بحورك
وتهرب رجلى من دريك
أكنّ إيدّيا عن خيرك

❖❖❖

يدوب الجسم في ذنوبه
وتجعد عيني نور شمسك
ومهما كنت لك عامى
ألقى القلب ينده لك
يزيح الضلمه من راسى
حنين روى لذكر اسمك

❖❖❖

ده روحى
همسه من روحك
وجسمى
طينه من أرضك
وقلبى ومضه من نورك
وكيف يا ربى.. أشرك بك
❖❖❖
يهز ضلوعى نور حبك
تموت الآه
ويملا مهجتى عطفك
أبيع الجاه
ولما اسمع طيور الفجر بتزقزق
تقول الله
دموعى تنفرش فرش
وتصبح رحمتك قبله
وأسجد لك
❖❖❖

قضيت عمري
أدوق الذنب والتانى
ودلوقتى..
أنا جاى لك
تداوى المرفى لسانى
وتقبل توبه من قلبى
رويتها دم وجدانى
ومهما ذنبى كان قاسى
فُصاد عطفك وغفرانك
يلين الذنب لك يركع
ده ذنبى ملحة فى أنهارك
ونقطة ضلمه فى نهارك
لو إن دابت
أو إن فضلت
لا هاتضرك ولا تنفع.

أحبك (*)

أحبك قلب جوايا أحبك عقل ينفكر
أحبك ورده فلايه تقوِّح في الجو وتمطر
أحبك ساقية دواره بتروى الكفر والبندر
وشمعه منوره الحاره وجنه والبساط أخضر



أحبك شجره ضليلة تضم الأهل والعيله
ورقها مسطبه خضره عليها نسهر الليله
وأولادك من الحارة يفتُّوا حلوى حليله
وساعة الشده رجاله صحاب همه وشفيله



أحبك بيت وغيط أخضر أحبك م القمر أقمر
أحبك أسطى بيقمر وأسمر ساعده متشمّر
طبيب لمريضه يتبسم ولا يشخط ويتأمر
وزاير بيحي لمريضه لا يرغى له ولا يزمر



(*) هذه القصيدة فازت بالمركز الأول على جامعات مصر في مسابقة للجامعة الأمريكية في عام ١٩٨٤.

أحبك مدرسة وجامع وجندى للمدومائع
أحبك طفل يوصلني وراجل ع المكن طالع
وبائع يرحم الشاري وشاري يعذر البائع
أحبك شغل في المصنع نضيفه وهاديه في الشارع

❖❖❖

أحبك أبلكه بتراعى ضميرها ويا أطفالها
مدرس في البلد واعى يوعى فيها أجيالها
ويأشهندس زراعى صحارى بلده صاحى لها
دراعه غارسه في دراعى ونحى الأرض من نيلها

❖❖❖

أحبك جامعة كلية أحبك حلوة مرضية
وشاب حلوة من حبه حبيبته ناسجة شمسية
وطلبه ويا استاذهم يعاملهم بحنية
محامى يحمى كلمة حق يضحى بروحه تضحية

❖❖❖

أحبك شمس صبحيه ونيل أخضر ماله آخر
إيدين بالخير معنيه عروقهها نوعه م الفاخر
أحبك ليلي مجنونها مامتش إنما صابر
لساعة لما جه حينها فى ثانية ليكى كان

❖❖❖

أحبك أب أبانى يعود لولاده من ثانى
قولى له خلاص بقيت حلوة تعالى إرتاح فى أحضانى
أحبك نخلة بجريدها تسبح ربك الواحد
وعصفوره بتغريدها ترحب بابنك العايد

❖❖❖

أحبك أم مصرية تغذى ولادها بحنانها
ترضعهم رومانسية وتحمى وهم أحزانها
أحبك بكرة متهنى أحبك أم للعليله
أحبك ع النبى صلى أحبك هب هيلاهيلا
أحبك ساقية دواره تدور ليله ورا ليله

زوبعة جوسبان (*)

مين كان يقول إنتا إرهاب فى يوم يا زمان
ده الفرحة طول عمرنا
والدنيا تشهد لنا
دلوقتى صار قلبنا
علشان عيون باراك^(١) قام إفتري جوسبان
لكن ح يقنع مين دى زوبعه ف قنجان

❖❖❖

قال عننا إرهاب
مش شايف اللى إنصاب
دول م اليهود تفتكر
ما تفهمه يا شيراك^(٢)
علشان عيون باراك قام إفتري جوسبان
لكن هايقنع مين دى زوبعه ف قنجان

❖❖❖

(*) كتبت هذه القصيدة فى ٢٨/٢/٢٠٠٠ عندما ذهب رئيس الوزراء الفرنسى ليونيل

جوسبان إسرائيل واتهم حزب الله اللبناني بالإرهاب.

(١) باراك: إيهود باراك كان رئيس وزراء إسرائيل فى ذلك الوقت.

(٢) شيراك: جاك شيراك كان رئيس فرنسا فى ذلك الوقت.

ضربوا فى دماغك حجر ^(١)	وجريت كما الفيران
عامللى فيها دكر	ده إنت البعيد حيوان
طب هات يهودى شكر	ربه فى عيد غفران
مين ع العرب قسّاك	مالقيتش غير لبنان
علشان عيون باراك	تكذب كده جوسبان
لكن هاتقنع مين	دى زوبعه ف فتجان

(١) ضربوا فى دماغك حجر : فعلا ضرب اللبنانيون حجر فى دفاع جوسبان.

الله عليك يا زمن

الله عليك يا زمن زمن الحبايب فين
دلوقتى كله بتمن والحب صار بالدين
ما فى حبيب يوتمن على خُله.. لو ساعتين
وما فيكش عيب يا زمن إحنا اللي فينا العيب
من حزننى جوہ الوطن حاسس بإنى غريب



فين لما كان قلبنا على بعض لو هانموت
همّ الحبيب همنا قدامنا صورة وصوت
إتعرى ليه حُيْنَا وساترنا ورقة توت
وما فيكش عيب يا زمن إحنا اللي فينا العيب
من حزننى جوہ الوطن حاسس بإنى غريب



إحنا اللى كانوا الناس تضرب بشوقنا المثل
بدل الدماء إحساس يجرى فى عروقنا غسل
دلوقتى ليه الوسواس العقل ليه إمتثل
وما فيكش عيب يا زمن إحنا اللى فينا العيب
من حزننى جوہ الوطن حاسس بإنى غريب

❖❖❖

الأخ ينسى أخوه وكأنه ما يوم شافه
والقلب كام قسوة صبح النفاق آفه
من غلبى لطمت يا هوہ ع الخد بشقافه^(١)
وما فيكش عيب يا زمن إحنا اللى فينا العيب
من حزننى جوہ الوطن حاسس بإنى غريب

❖❖❖

يا ناس كفايه بقى تعذيب لبعضيكم
بالحب نمحى الشقا والدنيا ترضيكم
نرجع لدين ربنا والرب يهديكم
وساعتها يحلى الزمن وجراح نفوسنا تطيب
وأحس جوہ الوطن عايش كأحلى حبيب

(١) شقافة: الفخار المكسور مثل القلل والزنج.

هدية للإنسانية^(*)

يا حبيبي خدني جنبك نفسي أرد في يوم جميلك
ألف بعد الشر عنك قلبي ليل ونهار داعيلك
حب كل الناس ده طبعك قوم يا فارس شد حيلك
ده إمتحان من عند ربك قول لي طيب إيه دليلك؟
ما أنت أهل المزم طبعاً والحمول على أد شيلك



كنت لسه عود مخضر التقيتك بتراعييني
الحنان في عنيك معبر أما قلبك ده عريني⁽¹⁾
اللى حاصل ده مقدر يا طيور الحب عيني
لو بإيدي أفديك بعمري ده أنت روحى ونن عيني



يا "على" والكل عارف إنت عالي في كل شيء
من عرفتك وانت حالف للفلابة تكون رفيق
طيب، حب، وإنسانيه للعدو قبل الصديق
رينا سواك هدية للمريض لو كان في ضيق

(*) للأستاذ الدكتور: على خليفة عندما كان يعالج من السرطان اللعين في

أمريكا ٢٠٠١/٤/٤.

(1) عريني: بيتي.

الإرهاب ظاهرة عالمية

كنا ف خير وأمان وسلام
ومنوَّرة شمس الحرية
والأيام ماشية لقُدام
دنيا جميلة وعيشة هنيئة
فجأة لقينا الدنيا ظلام
قلنا ده يمكن ضلمة عادية
جالنا كابوس ولا فى الأحلام
والبرجين^(١) إتهدو فى ثانية
بوش وتشينى صبحم أقزام
صرخوا ولطموا تقولش وليه

(١) البرجين: برجى التجارة العالمى فى أمريكا فى أحداث ١١/٩/٢٠٠١.

قالوا ده كله من الإسلام
دين إرهاب كله ودمويه
قلنا يا عالم ده اسمه كلام
ولا نسيتموا حروب صليبيه
مين بيدبح فى الأيتام
فى فلسطين غير اليهوديه
الإرهاب لا فى الإسلام
ولا يهوديه ولا مسيحيه
الإرهاب فى كل مكان
الإرهاب ظاهرة عالميه

إيه ظروفك

آه يا قلبك لما غبتى عنى.. جمعه ويا سبت
حاسس إنك ليه بعدتى لا إتصلتى ولا اتصلت
ليه قساوتك يا حبيبتى عمرى عنك.. ما انشغلت
مين معاكى جاب فى سيرتى أصلى يومها كثير شرقت



قلتى إنك حبيتنى فمين دليل الحب عندك؟
بوسه حلوه فوق جبينى ليه ما شفتش إلا عندك
نفسى أعوض يوم سنينى وأقضى باقى العمر جنبك
مين جمالك أملا عينى ياللى عينى نورها منك
فمين حلاوتك دوقينى دا الهوى والعشق منك
إنتى غاويه تحنسينى دلقينى فى بحر حسنك



قُلْتُ "جمعه وسبت" ماشى
برضو طيفك ليه ما جاشى
إيه اللى عنى - يا حبى - حاشك
دى العيون فى البرد شاشك
قلبى من ساعة ما شافك
بكره ييجى "الحد" أشوفك
نفسى أعرف إيه ظروفك
زاد حنينك ولا خوفك
والرموش فى الحر روفك^(١)
- يوم - مادقش غير حروفك



وأدى "الإثنين" جه وقتنا
والقبح يرجع يزورنا
والموبايل جنبى ساكن
من يومين ومافهش شاحن
والحقيقة شمس غاييه
يا حبيبى أنا روحى دايبه
أصل تقلك حاجة خاييه
م الحياة أنا راسى شايبه
بيجى روح القلب يسأل
بس هو أثاره بيتقل
ما فى يستقبل ويرسل
نفسه يعرف إيه بيحصل
بين أمالى وبين غيومك
بس مش قادر ألومك
ليه تشمت فىك خصومك
سيبنى أشيل عنك همومك



(١) روفك: سطحك: أى مكان للهواء النقى.

جه "التلات" والشمس طلعت
نورها غطى ع المحطه
روحي ردت فيا تانى
يا حبيبتي أنا مش أنانى
القمر بقى له وسيله
وانت حبك يا حياتي
لما روح القلب فيفى
والريبع خضر خريفى
والحياة رجعت جميلة
فى الهوى أنا مالى حيله
يطلعوا له فى يوم وليله
مش لاقى له وسيله

❖❖❖

لما جه "الأربع" وشفتك
يا حبيبتي أنا قلبى حبك
حاسسه إنك حبيتنى
إنست غاويه تجرمينى
قلبك إنست ليّا بيتى
ولأ يعنى عشان عشقتك
دا الهوى ما مفهوش مذلة
مين اللى قال للحب ملّة
الموازل قاعدة جنبك
مش صحابك أو قرايبك
ولأ يعنى بحبى غاصبك
من حنانك آه يا قلبك
إن رفضتى أو رضيتى
بعتى فيّا واشتريتى
إبتديت ولا إبتديتى
فين سمعتى وفين قرىتى

❖❖❖

والخميس "أهوجه وغبتي	الحياة ضلمة فى عنينا
إيه حكايتك يا حبيبتي	سايقه تقلك ليه عليا
إمدى حبه وفهميني	هاتى إيدك بين إيديه
دا اللي بين قلبك وبينى	حاجه غير الخلق ديّه
قلبي ليكى أحلى جنة	وانتر قلبك جنة منى
إيمدى عزالنسا عنا	إوعى تانى تغيبى عنى

عيد الأم (*)

أُمِّي.. أُمِّي يا حبيبتي كل عام وأنتِ بسعادة
م الشهور.. تسعه حملتي والتعب كان في الولادة
والرضاعة.. دول عامين كنتي أم.. وكنتي دادة
مين يستحملني مين ياللي صدرك.. لي وسادة



النهاردة.. نفسي أجيبلك كل حاجة يا أصيلة
إنتِ عارفه إنني بحبك بس ما في اليد حيله
مش راح أنسى كثير سهرتي جنبى لما أكون غليله
ولأ لما الصبح بدرى بتادينى بروح جميلة



النهاردة اللي عليا إنني أذاكر وأبقى شاطر
ليكى عندي أغلى هدية إنني أروح مدرستي فاطر
وأما حاجة تقولى ليّا مافى غير طيب وحاضر
إنتِ روحى ونور عنيّا للجميل طول عمرى فاكر

(❖) أغنية أطفال.

هو الحب لعبه؟!

كل ساعة بحاله ليه إيه حكايتك إنت إيه؟
مرة.. تشتاقى لوصالى يوم تقولى.. جاى ليه؟
يا تسيبنى أعيش ف حالى يا تقولى لى عايزه إيه؟



يا حياتى شدى حيلك مره واحده طوعى قلبك
عيشى ويا نجومى.. ليلك نفسى أعيش العمر جنبك
قلبى فى الضلمة دليلك وانت ليه الحب تعبك
طهرينى بعطر نيلك غرقينى ف بحر حبك



إنت واخده الحب لعبه قصه حلوه للتسالى
أما عندى القصه صعبه شوق وسُهد فى الليالى
ماضى.. حاضر - إنت رابعه برضه قلبك عندى غالى
المشاعر عندى نابعه من حنينى ومن خيالى

ما لكشى فى حبيب نصيب

أول مرة.. أنا شففتك فيها قلت حبيب القلب آهو جانى
دا عليك ضحكة الله يخليها ردت فيا الروح.. من تانى
رجعت بيها.. الدنيا جميلة بعد ما كان الفرح نسانى
ياللى خطفت القلب ف ليلة ليه فى الحب.. طلعت أنانى

❖❖❖

قلت لى إن حبايبك ياما وإن الكُل بيجرى عليك
ياللى حفرت ف قلبى علامة دى الأشواق بانّت فى عنيك
أنا عصفور فى القلب.. إحضنى وإبعد عن غريان حواليك
لو سبتنى مش هارجع أغنى ولا تلمسنى - فى يوم - بإيدك

❖❖❖

حاسس شمسك ليه بتغيب دانت عنييا وأغلى حبيب
كل ما قرب منك.. تبعد طبعك ماله.. يا حبي . عجيب
ليه طول ما أنت بعيد تشتاق لي وأما تقرب تبقى غريب
من أفعالك.. أنا تاه عقلي أصلى مالكش في حبي نصيب



لما تجيني.. الدنيا بتفرح والأيام تجري وتُحسني
والأشجار.. أزهارها تفتح تندهع الصافير وتهنئني
جانا ربيع الحب.. تعالى نفرح.. نرقص.. يالاً نفني
فجأة.. بتبعد كده ليه عنّي إنت باينك.. هاتجني

ليه قلبك أنانى

نورى لى العين بنورك افتحى لى القلب تانى
هدى ياللا بحبى سورك أنت ليه قلبك أنانى؟
عارفّه إن قلبى عاشقك ليه يا حبى مغلبانى
ويا حبى إنسى عقلك أصلى حبى شكل تانى



هاتى إيدك بين إيديا الصغارى تصير جنابين
ضللى بشعرك عليا ليه بصادك عنى هابين
م اللى قساكى عليا م اللى قالك إنى خاين
حطى عينك فى عنيا شوقى ليكى فيها باين



هو نفس الوش وأحلى م اللى شفته فى الخيال
بيكى تبقى الدنيا أحلى ده أنت كعبة للجمال
العيون عين ماء جميلة حلوه صافيه زى زمزم
والشفافى مالى حيله لما اشوفهم مهما أعزم
أعزم إنى مش هاقرب تانى ليهم يبقى أسلم
لما أشوفهم عقلى يهرب وأجرى أبوسهم قبل ماندم

كوكمشی منطی^(١)

هیا بیضا قشطه مرمر
أما لونی.. خمری.. حنطی
جوزهما.. قاعد زی عنتر
ابن باشا.. وابن حنطی
قاللی إنه ابن باشا
ترکی.. ما هوش کونتا کنتی^(٢)
عندی کل تحفه لیها
م المَعَزَه.. زی بنتی
دیّه.. خرطوشه سجاير
م الذهب.. إياك تلطُسی
أما - ده - تمثال لجدی
دمه غیردملک.. یا زفتی

(١) كوكمشی منطی: كلمة تركیه بمعنى يادی الخیبه.

(٢) كونتا کنتی: الزنجی فی مسلسل جذور.

دمه دم ملوکی أزرق
أما دمك.. ماء للفتى
كل يوم ع القهوة قاعد
يلمب الدومنه.. ويفتى
فى الحروب أنا كنت قائد
قتل كل الناس.. وظيفتى
إحنا جينا لأجل ننشر
الحضارة.. خلاصى عرفتى
إحنا مش جاين هانتهد
إنت فاكرنى.. كلفتى^(١)
بكره تيجى تزورنى باكر
وأدى عنوان.. فخمى^(٢)

(١) كلفتى: حرامى.

(٢) فخمى: فيمتى.

رحلت لابس أحلى بدله
والكاونيا تغطي رجلي
رحلت مالتش الخواجه
والمدام.. فتحت قريحتي^(١)
وش أبيض صبح نادى
ضحكه حلوة.. ليه فرحتي؟
قلت ليها الباشا نادى
خُش ياللا.. ف ليه سرحتي؟
أصله جاله ظرف طارئ
راح مسافر.. يا فضيحتي
قلت ليها إيه الحكاية
قال.. خسرف البورصة.. فيفتي^(٢)

(١) قريحتي: نفسي.

(٢) فيفتي: ٥٠٪.

لو معاك تدینی سالفه
تبقي فارس كل ليلتي
قلت ماشي فلوس معايا
تاخدي بس.. إيه ضمانتي؟
لو هاييجي فجاء جوزك
تبقي ليا - يا حلوه - خنتي
أصلي سامع صوت لرجله
في الفرانده.. لأ دي بنتي!!
قلت لا أنا برضه خايف
أحلى حاجه أضمن سلامتي
رُحت هارب م الجنينه
صرخت.. كوكمشي منطلي!!
لما رحت القهوة.. باكر
قاللي جوزها.. كوكمشي منطلي!!

الفهرس

٩	مفتح
١٠	وعند الساقية نتسلى
١٢	يا حبيبتي.. ما انتى عارفه
١٤	أغنى لك وأحلم بك
١٦	قسوه الحبيب
١٧	حرب ولا حب
١٩	غبروكى
٢٠	أحلى طرحة
٢٢	غير حلاوتك ما اشتويها
٢٤	بكره عيدك
٢٥	وحشتينى
٢٦	أمير العشاق
٢٧	حبك هو إلهامى
٢٨	قلبك جنبى
٢٩	عليكى قلبى وصانى
٣٠	ليه نتقل

٣٣	أنا آدم
٣٤	أسف إنى بودعك
٣٦	يا خالق قلبى..رحماك
٣٧	بطل جنونك
٣٩	إمتى ترجع يا حبيبى
٤١	أأمرى
٤٢	الحب مسيره يرجعنا
٤٤	همسه عتاب
٤٦	إننى أكثر من حبيبتى
٤٨	قلبى فى حبك.. صبور
٥٠	مهما هوتى
٥١	كل عام وانتى الحبيبه
٥٢	حنى مرة ع الغلابة
٥٣	ابن الأرض
٥٨	ودى عادة الدبان
٦٠	بص إلتفت
٦٢	صورة وموقف
٦٤	آه
٦٧	محاسن مولانا البصل
٦٩	إيه يكون؟

٧٠	يا تونسى.. يا منسى
٧٣	إيه اللى ناقص يعمله
٧٨	الأوله آه
٨٠	حنين الروح
٨٣	أحبك
٨٦	زوبعة جوسبان
٨٨	الله عليك يا زمن
٩٠	هديه للإنسانيه
٩١	الإرهاب ظاهرة عالمية
٩٣	إيه ظروفك
٩٧	عيد الأم
٩٨	هو الحب لعبه؟!
٩٩	مالكشى فى حبي نصيب!!
١٠١	ليه قلبك أناى
١٠٢	كوكمشى منطى